

五家楚辭注合編

(下)

廣文書局印行

清・錢澄之
宋・姚鼎
方張惠言
續注

五家楚辭注合編
(下)

廣文書局印行

中華民國六十一年四月初版

五家楚辭注合編

精裝二冊定價：新台幣四百五十元

注者

朱姚

熹等

版權所有
翻印必究

發行人

王

道

榮

發行所

廣文書局有限公司

臺北市羅斯福路二段九號之三
郵政劃撥二一九九號
電話三三九六六〇號

經銷者

全國各大書局

內政部出版業登記證內版臺業字第一三二四號

本書承國立中央圖書館惠借
珍藏善本書稿謹此誌謝

楊方

續著
浚錄

屈子正音

廣文書局印行

方東樹頓首謹啓

嶰筠中丞閣下程太守回考院奉到

頒還先人屈子正音一書伏蒙擺落常調手筆具書
子細詳論究其巢穴復命賤子率據冒見知逐條
申答以求至是不必迴隱太守具道

臺悵欲為代刊不圖

盛德波恩絕學獨出遂使今世獲遇茲奇祇聞之下
忻忭起舞繼之泣下謹將所下糾簽悉列注中依以

卷之五
名
為馮庶覽者去疑無壅宿滯豁如夫幽蘭生谷惠風
為之傳其馨菡萏在陂杲日為之發其色蓋物理之
精感自然相遇而造化之普汜本出無心若夫元音
與眇與天下之至精絕學微茫索解人之難事知元
不作切韻誰增元朗既興經讀悉正伏惟

閣下珠躔降德辰宿儲精濟北顏淵闕西伯起半千
作字應五百年名世之期四七傳封行廿八將通侯
之祚官曹

扈

聖登黃閣於妙年

裘冕隆民制青萍於利器

建隼旗而臨千里

擁熊蓋而撫百城固已道濟蒼生功資元化然猶仕
優則學海納歸墟武庫文河研幾探蹟張安世之闡
誦三篋無忘馬賓王之論事片言不易爭飛毫翰則
一品之集傳精研書田則七志之編作加以倒屣下

士懸榻禮賢汲引忘疲獎提無倦收泥沙之小善振
幽滯於寒門塵路難逢人寰罕遇樹先人空山隱霧
幽谷潛姿修行明經澡身浴德甘韋布以長年竟松
筠於歲晚百齡飄忽一命不霑痼恙侵陵遂從士隴
陳太邱之積善羔雁無聞王仲淹之為儒白牛空老
平生著述不無秋氣之悲壯歲編摩實動幽人之怨
人非龔勝或帶楚風跡異湘纍偏吟騷些比因九歌
山鬼翻新陌上之聲蹇喔咿嘶竄亂寒山之句賈昌

朝之不作孰為辨音毛居正之不逢誰能正誤二百
三十四字不徒陳氏之疑一萬七千餘言用續垂白
之注職殊外史匪達書名事迫當仁聊存簡策樹幼
而失學長更傷貧蹤跡飄零命途坎壈或靡依如任
彥昇之兒或全生如鄭莊公之弟惟班超能讀父書
徒自中夫狂疾惟通子宜傳家學迺不好於紙筆是
以遺編斯在並積塵埃手澤雖存多從蠹簡每懷茲
事常積酸辛何圖

臺慈遂垂存錄聽清音於爨餘收夜光於赤水明示
題目曲賜丹青敬述淺聞上酬

來教樹聞音學之起實本聲氣之原擊轅拊缶應風
雅而感和破斧登天構鬼神而寫韻天籟地籟累吹
萬之殊聲笙均磬均象奮雷而爲豫輕清重濁變出
自然喉舌齒唇遞而相及於是聯之以雙聲紐之以
疊韻參差窈窕標萬古興物之風流燦爛錦衾播干
載懷人之雅韻是知中天帝陞已傳喜起之歌何必

蠻府參軍始辨俚隅之句夫聖不虛作六書固曰審音而祕未全宣兩漢惟傳讀若設法以取之立度以均之反切由是而興焉韻書因之以起矣然而孫劉釋音雖精於耳學或者馬班作賦仍病於聲牙周沈以來四聲斯顯平上去入固神解之叛獲天子聖哲彌常語所易知由是而呂忱孫愐則源流祖構李涪沈重或凡說滋訛顏之推譏江南學士自為凡例魏華父誚魏晉俗師強立兩音疑今韻求古韻大輅椎

輪籃縷篲路平心而論吳棫之功實維稱首特四聲
互用猶昧於不煩改字之言即兩界相通終未達古
音緩讀之故夫古今斂侈有異讀然後有協句叶韻
之求省轉假借有本音然後有字母等韻之法要之
雙聲疊韻在前字母等韻在後有疊韻而後人因有
二百六部有雙聲而後人因有三十六母四聲昉於
六朝不可謂古人不知疊韻字母起於唐季不可謂
古人不識雙聲祥符以還韻書併省日趨陋妄守溫

而後華梵爭辨益屬歧旁爰及近代通儒崛起陳第
顧絳始溯源而精鶩江永戴震繼沿波而討論本證
旁證易音詩音並驅六經之中獨立千載之後其餘
撰述各足專家莫不辨晰砢礪讀通雌霓蓋臻真境
自發天藏不比狂華徒生客慧

閣下神曜得道闇解過人凡茲發守而鉤沈悉足匡
繆而正俗昔陸灋言之定切韻商榷者八人許祭酒
之作說文覃精者二紀未有政餘之下旬日之間手

揮目治丹墨紛下併部分部了無遁形从字从聲具
達神怡足使李登失色呂靜嘆嗟雖荆玉抵鵲多輕
連城之珍而阿膠清河祇用一寸之寶然猶衣成缺
袂式表志於謙冲海絕河名並忘心於勺寄闡幽敷
惠垂雅契於遙年同術興哀託神交於曩日年如可
逮風雲於杵臼之間道不虛行慨侘於文昌之府蓋
取人之長卽是兼人之美與人之善卽是同人之樂
爰厯博學併合倉頡之篇急就凡將斟酌揚雲之手

沈隱侯之答陸厥殆難言焉徐騎省之得李舟是有
取耳陋陽冰絕無讓德莫化矜情嘆莒公未遇知音
徒開怨府是本巨衡用揣鈞石將爲木鐸以振聾民
後人未易雌黃世間等不可少鯤遊溟海未踰此澤
之深鼇戴神山詎均斯恩之重愧比善財童子何曾
義得真傳儻遇彩鸞仙姬定復書成善本講之者曾
不得其彷彿傳之者豈能喻其精微式寶茲編永與
松楸而共感竊推此志真偕日月以爭光下情無任

感激悲荷之至申此謝辭終知不盡謹啓